
**TAČKA 5: Informacija o izmjenama i dopunama Opšteg Kolektivnog Ugovora koji je potpisan
25.09.2008.godine**

Uvidom u arhivu UPFBiH utvrdili smo da se na 2. Sjednici UO Udruženja poslodavaca u FBiH koja je održana 15.04.2008. godine pod tačkom 4. Raspravljalo o Inicijativi SSSBiH o povećanju najniže satnice. Tom prilikom je delegacija ESV-a izvjestila članove UO da je na nastavku 47. sjednice koja je održana 25.03.2008.godine Ekonomsko socijalnog vijeća raspravljano o povećanju najniže satnice. Vezano za tu tačku suština je da je delegacija UPFBiH prihvatila povećanje najniže satnice za 10% ali pod uslovom da ona bude praćena promjenom odredbi Opšteg kolektivnog ugovora. Prema zaključcima sa nastavka 47 sjednice ESV-a socijalni partneri su postigli dogovor da se najniža bruto i neto satnica utvrđena u članu 8. stav 1. i 2. poveća 10% sa primjenom od 01.03.2008.godine. Potvrđeno je da član 8. stav 3. ostaje nepromijenjen. Predstavnici Saveza samostalnih sindikata BiH i Udruženja poslodavaca FBiH će u sljedećih mjesec dana pregovarati o izmjenama određenih odredbi iz Općeg kolektivnog ugovora kojim se reguliše način i visina isplata zaposlenicima, sa posebnim fokusom na pronalazak mehanizma kojim bi se spriječilo linearno povećanje plaća. Naime, ova dva socijalna partnera su ocijenili da najniža neto plaća ne treba biti osnovica za obračun drugih plaća. Sveobuhvatnije izmjene i dopune Općeg kolektivnog ugovora planirane su za naredni period.

Također na 2. sjednici UO članovi UO su informisani da je pred sjednicu U.O.stigao dopis koji je Ministarstvo za rad i socijalnu politiku FBiH dostavilo UPFBiH kojim je sumiran dogovor sa sjednice ESV-a. U pomenutom dopisu se nalaze neke stvari koje su dogovorene neke koje nisu dogovorene kao i neke stvari o kojima se nije ni raspravljalo. Suština je u sljedećem da je delegacija UPFBiH prihvatila da se minimalna plaća iz člana 8. stav 1 i 2. poveća za 10 % ali delegacija ESV-a nije pristala da da saglasnost Vladi da donese Odluku o povećanju najniže satnice prije nego što se postigne konsenzus socijalnih partnera. Namjera delegacije UPFBiH je da se izmjenama i dopunama Općeg kolektivnog ugovora, kojima će se omogućiti povećanje najniže satnice, zaštite interesi onih preduzeća koja nisu u mogućnosti isplatiti linearno povećane plate za 10%. UPFBiH je insistiralo na tome da se iz kolektivnog ugovora izbacila odrednica da je najniža satnica osnovica za utvrđivanje najniže plaće koja je osnovica za utvrđivanje svih drugih plata tj. da se izbace koeficijenti. Prijedlog UPFBiH da najniža plaća ne bude osnovica za utvrđivanje ostalih plata je prihvaćen.

Nakon 2. Sjednice UO UPFBiH na kojoj nije donesena nikakva Odluka o potpisivanju Izmjena i dopuna Općeg Kolektivnog ugovora o ovim pitanjima se raspravljalo i na 3. sjednici UO pod tačkom 4. na kojoj je zaključeno da delegacija UPFBiH na sjednici ESV-a zastupa stav da UPFBiH nije dalo saglasnost da se najniža cijena rada poveća a da se istovremeno ne usvoje izmjene i dopune Općeg kolektivnog ugovora. Poslodavci su dali saglasnost da se vrši usklađivanje najniže bruto i neto satnice ali da se istovremeno mijenja Opći kolektivni ugovor. Delegacija poslodavaca se nije složila sa tim da Vlada FBiH svojom odlukom vrši usklađivanje najniže bruto i neto satnice bez saglasnosti socijalnih partnera. Dalje je dogovoreno da će delegacija UPFBiH tražiti da se što prije naprave izmjene i dopune općeg kolektivnog ugovora, u protivnom Odluka Vlade je pravno nevažeća. Također je zaključeno da se

organizuje jedan sastanak sa predsjednicima sindikata na kojem će se načelno dogovoriti promjene OKU, jer je i sindikat prihvatio da te izmjene idu od istog datuma kao i povećanje satnice.

Dalje uvidom u arhivu utvrđeno je da se o povećanju najniže satnice raspravljalo i na IV sjednici UO koja je održana 01.07.2008.godine pod tačkom 3. dnevnog reda odnosno u Izvještaju delegacije ESV-a o zaključcima sa 49. Sjednice ESV-a i zauzimanje stavova za narednu sjednicu. S tim u vezi pod tačkom 3. Zaključeno je da delegacija UPFBiH na današnjoj sjednici ESV-a traži povlačenje saglasnosti poslodavaca na donošenje Odluke o povećanju najniže satnice dok se ne izvrše izmjene i dopune Općeg kolektivnog ugovora, odnosno dok se u cijelosti ne ispoštuje zaključak sa 47. sjednice Upravnog odbora. Delegacija će i dalje ostati pri stavu koji je naveden u dopisu koji je Udruženje poslodavaca FBiH uputilo predsjednici Komisije za tumačenje odredaba Općeg kolektivnog ugovora, sindikatu i Vladi FBiH tj. da UPFBiH traži da se u cjelosti ispoštuje zaključak sa 47. sjednice ESV-a te da nisu potrebne nikakve dodatne procedure i usaglašavanja vezano za pristupanje izmjena i dopuna Općeg kolektivnog ugovora.

Na osnova uvida u dokumentaciju te navedenih činjenica može se konstatovati da se na sjednicama Upravnog odbora i ESV-a raspravljalo samo o povećanju najniže satnice a da UO UPFBiH nikada nije raspravljao o Prijedlogu teksta Kolektivnog Ugovora o izmjenama Opšteg kolektivnog ugovora za teritoriju Federacije Bosne i Hercegovine u pogledu izmjena člana 9. Općeg kolektivnog ugovora koji je potpisan 25.09.2008.godine od strane Premijera Vlade FBiH gđina. Nedžada Brankovića, Predsjednika Saveza samostalnih sindikata BiH gđina. Edhema Bibera te Predsjednika Udruženja poslodavaca u FBiH gđina. Nihada Imamovića. Navedene izmjene i dopune su 08.10.2008.godne objavljene u službenim novinama FBiH 62/08.

Navedenim izmjenama i dopunama člana 9. Općeg kolektivnog ugovora za teritoriju Federacije Bosne i Hercegovine omogućeno je Vladi Federacije Bosne i Hercegovine da najmanje jednom godišnje vrši usklađivanje najniže bruto satnice bez prethodno usaglašanih stavova socijalnih partnere što do tada nije bio slučaj. Znači, prije potpisivanja Izmjena člana 9. Opšteg kolektivnog ugovora Vlada Federacije je mogla vršiti usklađivanje najniže bruto satnice ali samo na osnovu usaglašanih stavova socijalnih partnera u ESV-u FBiH.

U Sarajevu, 22.01.2013.godine

S E K R E T A R

Mersiha Jusić